

盤洲文集

三十二





宋尚書右僕射觀文殿學士正議大夫贈特進洪公

行狀

曾祖炳贈少保

曾祖母何氏贈紀國夫人

祖彥先贈太師秦國公

祖母董氏贈秦國夫人

父雍徽猷閣直學士贈太師魏國公謚忠靈

母沈氏贈魏國夫人

本貫饒州鄱陽縣年六十八

公諱适字景伯其先徽州人唐末避亂徙樂平之洪

蘇州府志

日成

巖世以耕桑為業自高祖府君士良篤義方之訓力

教子孫每以事過郡王有潭愛其山朝水挹可卜宅

北則鄭重求之立庾屋其上為往來貯儲地疾革命

家人曰葬我必於彼後世青紫當不絕越十六年為

元豐乙丑長孫給事中音昇遂以進士起家是為公

伯祖又三十年政和乙未曾孫忠宣公繼之是為公

皇考又二十七年紹興壬戌公與介弟文安公遵中

博學宏詞科後三年仲弟今敷文閣待制同脩國史

遭繼之給事之後官者七忠宣之弟姪官者九子孫

曾孫官者二十六忠宣嘗歎曰秦氏置我死地曾祖



潛德壽後而遜章無因齋恨泉下矣公初除執政即  
當轉官句高祖郵典

上惻然從之諸公議以大夫告第既有足之者遂  
公為兒時已穎異十餘歲日誦三千言中宣通化  
因寓嘉禾及使虜公年才十三已能顯任門戶事  
胡騎犯吳間關奉秦國魏國挾五弟三妹歸鄱陽  
衆食貧忠宣奉入在秀復迎擊以往凡九年而魏國  
棄諸孤忠宣又久留朔方公如悲舍辛破涕自力以  
奉秦國之歡躬帥二弟刻意問學為文自出機杼皆  
中程度一時名人多折輩行與之交外氏居無錫公

盤洲行狀

二

正

奉魏國之喪往依以葬時河南復為王土嘗擬  
賀表有宣王復文武之士光啓中興齊人歸鄆譚之  
田不失舊物之句仲舅博士沈公松年一見奇之  
以為宏博之習初用出使恩得脩職郎南嶽廟  
嚴州錄事參軍浙西提舉常平司幹辦公事既以詞  
科賜第宰臣進讀制詞

太上皇曰父在遠其子能自立為可嘉宣與陸權差  
遣於是為勅令所刪定官改左宣教郎入秘書省為  
正字才數月忠宣南歸以直忤秦檜即去國公以奉  
親自列通判台州將終更忠宣有英州之謫台守與



公不相能公嘗行縣至黃巖公以繫囚十數輩磨堂  
無間詭以獄空告公坐令聽事聞大呼聲即詰視諸  
囚皆叫號稱冤因備其事申諸司歸白守守以為不  
關白長官彈文迎秦意秦調言官上之坐免官往  
來于英以奉忠宣溫清里門聚令數百指皆印給於  
公公處之怡然凡九年而忠宣薨服除起知荆門軍  
以惠愛為政首奏便民四事大以均敷茶額錢所  
出其於常賦茶商執害民之柄而託吏為茲民力重  
困官田以附種為名而不稼納租趨引失立法之意  
而重疊出錘大禮代它州之貢而多方取辦乞罷行

蟹洲行米

三

田成

之又荆門自兵火後學校廢弛遇大比則附試江陵  
解額五才得一慨然以作成為已任力請於

朝由是軍得自解發額亦稍增其舊改知徽州先是  
朝廷立賞醵官田當路急於受賞督迫其峻屬邑一  
切望風公下車民競赴愬公曰賞可慕民獨不可愛  
耶乃戒屬邑有虐吾民者必劾已而使者罷去民卒  
得寬郡多訟分產不平者公究其端以官印關書吏  
倍有邀索民寧匿關而憚費以故成訟公下令許民  
持關立庭下不以蚤莫即時呼吏印給之無毫髮費  
舊訟頓息其簡易近民率如此提舉浙西常平茶鹽



事詣

闕且對適文安知平江府引嫌當避乃移節江東嘗  
奏論役事其略曰

元祐旨揮合役坐閑人戶不及三番處令雇募蘇軾  
謂聖恩欲使百姓空閑六年是以紹興二十六年之  
旨歇役六年者與白脚同行之數年下戶得以寬佚  
閭者宣州守臣有請欲不俟六年再差上戶有司誤  
以歇役六年之文衝改下戶畏避多致流徙蓋上戶  
稅錢有與下戶相去十百倍者必俟差遍下戶則富  
家經隔數十年方再執役臣守徽州以婺源一縣言

盤洲行狀

四

田成

之有差及一貫稅錢者民間哀訴誠為可念乞仍行  
二十六年旨揮庶使細民鼓舞德澤又如一都之內  
上等五戶稅錢各五十千中等五戶稅錢各三十千  
各曾應役若以歇役六年再差恐中等五戶僥倖終  
免乞自第一戶差至第十戶然後再差所貴役法均  
平上下稱便人以為切中役法之弊江東實鄉部公  
又嘗兼提點刑獄事風采凜然不可干以私逆亮敗  
盟有

旨令松江監司條具恢復事公上奏謂逆亮既殞大  
定僭號未必諸國服從若能仰順天時遣使歸疆則



王師不血刃而得土宇實天下之幸萬一虜衆尚強自淮以北別無爭立之人則宜多遣有膽力人密傳詔檄使中原義士各取州縣因以畀之王師但留屯淮泗募兵積粟以為聲援不必輕涉其地以務力爭俟蜀漢山東之兵數道俱集見可而進遲以歲月必有機會可乘恢復故地何翅破竹庶幾兵力不頓可以萬全

車駕親征至建康因上殿陳言江鄉之民以旱荒而遷徙淮甸此遭虜時之擾復還故鄉則所棄之產已為官司估賣形勢之貧貧者士不償一佃者量納租

盛州行狀

五

四成

課無補於官而有害於民乞斷自紹興二十八年以後九州縣所賣逃產許元業人子孫以元估價就贖專委提舉常平官覺察

太上褒予甚飾時待制為右史受命迎使客入對太上顧其副張掄曰洪某三子其材皆可用公激烈初心念先志之未酬每思盡瘁曰邊防曰民兵曰防江曰積粟曰賑濟流民皆次第為

朝廷言之除尚書戶部郎中總領淮東軍馬錢糧當海州解圍又有符離甲申之役沿淮列戍襁負而歸者踵相躡供億之費數倍於曩時公以書生從容心



計略不見其趣迫之色有

旨犒解圍軍兵而鎮江府前軍之右軍與太平州之武鋒軍以在圍中獨不預公從權比附且倍其賞軍士莫不驩呼又以便宜招安海道嘗為過者又謂公邊已招納降胡若使之飢寒失所則必怨望如蕭鵬巴一家餘二十口券錢最多日不過千六百金尚不給用則其餘可知乞將已有官人與給料曆進勇副尉與依武勇給券四口或五口以上亦與添給口食其臨事機識大體類是總所建治京口名雖淮東而所總多江東浙西財賦嘗美乞以浙西江東財賦入

銜勿復增薦舉添官屬庶名正事順可以辦集又嘗請於

朝皆為戶部所沮公登政府始請行之淮東至今蒙賴就除司農少卿隆興二年二月

召還改太常少卿權直學士院旋又兼權禮部侍郎上初講郊丘之儀公建議合進昨

德壽宮及改定樂章并郊回用雅樂與減樂工之冗負當於禮而適於時文安公罷西府公亦上章求去

上諭令安職復遣中使賜以珍茗越三日與右正言尹穡同



賜對選德殿

上顧謂稽曰洪某為人溫粹文詞有用論事皆可行  
褒獎至于再三稽出驚歎曰

聖眷乃如此言者既攻文安雅不欲公留及是始無  
相撼意閱月除中書舍人湯丞相思退罷免公當制

侍御史晁公武噴有語公露章求去且乞身於  
上前甚力

上曰前日公武謂思退有罪而卿稱之為大臣制詞  
中無譴責語乃其死黨朕思退作平詞非其罪公武

執彈章在手思退留榻後已却之仍徙置戶部矣時虜  
盤洲二集

再犯淮甸羽書徑至書詔填委

上焦勞至夜分不寐或夕召或細書咨訪公獨當內  
外制視草之餘應

詔密啓默當  
上心始淮上斥堠不明將帥無申發文字公奏乞預  
隄防海道又乞降

親征詔以激勵士卒虜既尋盟首為賀生辰使

上謂副介龍大淵曰前日洪某侍玉輅見其容貌甚  
悴豈有聲色之奉耶方欲大用之可諭意令自愛公

附奏曰家素無侍妾近以法服執綏車輅輒頓失其



常度只尺

天威有戰慄之色報國之軀敢不自愛既越境虜遣  
同簽書宣徽院事高嗣先接伴嗣先之父司空嘗有  
德於忠宣者故見公加敬且詢先世甚詳公因遜謝  
相子驩甚頗得虜要領以歸乾道元年五月除翰林  
學士仍兼中書舍人輔臣奏例無翰苑下兼西掖者  
上曰洪某在後省甚振職且要其整頓綱紀秦墳提  
舉太平興國宮公奏秦檜欺天盜權戕害忠直當錮  
其子孫若一人奉祠則其黨與皆有彈冠之望所謂  
一葉不去將尋斧柯者矣

通州行狀

上即從之故事給舍繳駁施行者皆封付三省是奏  
乃以付公明日

召對

上曰所論秦墳甚當異日有繳奏只須批救以來不  
須聯章雖朕意所向而不可行者但論之如繳論巫  
伋之不當被召余堯弼之不當復職莫汲之不當除  
編脩計議官議者皆以為當未嘗一為親故干求除  
授有改秩而避免作縣別得差遣者雖門下士亦不  
置以故人服其公盈旬乞免兼職

上曰執政有缺朕今用卿既因繳馬監崔良輔轉官



事

上數稱善至乞令大臣討論賞典

上云卿今自作執政可以討論六月除端明殿學士  
簽書密院事

上語參政錢公端禮虞公允文曰三省事與洪某商

量蚤朝遂不先退東西府同班奏事自此始詣

德壽宮謝

太上皇曰

上用卿為執政朕亦謂從官中無逾卿者卿父精忠  
今人臣所無朕嘗謂蘇武不能及頃歸自虜中欲除

盤洲行米

九

田廣

執政為秦檜所忌擠排使去上天有報卿兄弟相繼  
輔政公每遇奏西府事必極意展布至三省則終不  
敢出位盡言一日偶及皇甫倜軍告之戶部祗將椿  
積錢應副

上云無分三省事卿有所見第言之八月除左中大  
夫參知政事十二月拜左通奉大夫尚書右僕射同  
中書門下平章事兼密使明年三月久雨

上迎天竺佛請齋減膳却葷公以燹理亡狀獨三上  
章乞罷免且面奏求去

上曰春間自是多雨卿奉法守公近年宰執所不及



第安職臺諫因論列

上隨事諭之諫議大夫林安宅至居家待罪遂以觀  
文殿學士提舉太平興國宮明日

上謂參政葉公顯曰宰臣奉法守公純誠不欺近年  
無如洪某者臺諫搜索細故不存公道安得如此人  
而用之公自西府至相位才旬月而進呈之際多所  
開陳大氏以誠實不欺為主見有負於國害於民者  
必正色拒之寧己任怨而必欲使

君立於無過之地用人第取實才不采虛譽可予不  
以疎而棄不可予不以親而私有受薦而終身不知

蘇州行狀

十

日成

所言者

上嘗曰今日可謂存公道卿等所擬無不當可見留  
意選擇公奏蔣芾嘗請臣復省無題目臣之前此見  
行事有特字者皆是非法今不敢下一特字自然無  
可論數

上曰蔣芾亦有此言因奏臣到政府數月見

陛下行事未有不循典憲者今蔣芾尚欲降特旨時  
常思

祖宗故事更願

陛下思其所言益崇



聖德

上曰朕與卿等共守之

上欲幸白石教場閱三衛軍馬公奏去閱武固有名  
第聞三衛諸鷹犬外人以為出獵又聞準備麋鹿  
傳之遠方恐損

聖德

上曰朕意不如此於是戒諸將不得以鷹犬自隨用  
兵後調度不給獻議者欲復免行錢

上曰曹泳所行惟免行一事至今人以為是今日豈  
可不及曹泳繼是有乞借房繕收職田立宮觀嶽廟

整洲行旅

上

曰

額添交子增乳香之直令諸郡獻羨餘者

上以為傷國大體公亦力贊以為不可行

上欲親見問郡守以觀能否公奏乞降旨去闕期半  
年令奏事之任自是一經眷譽能否判然諸郡多得  
良二千石時有輔郡守獻言欲如漢太守計上計

上問可行以否公曰漢法令長吏守丞歲終上計大  
略似今攢帳耳郡守不可以自來惟嚴助以漢廷切  
責乞奏三年計不可行人以為善對然

公始為執政即奏減機速房吏人它日又奏乞降  
旨不得存留三省并密院額外吏人將上承旨司謝



喪者至漏舍堅請存留王與祖等四人喪之子梓實  
在四人中公奏

朝廷久不治吏互相循襲無所忌憚乞與放罷編管  
上然之戶部吏有稽慢公亦懲治不貫侍郎林安宅  
上章待罪

上曰斷一二吏何至如此雖

聖明可恃而群小固已愠矣又安宅乞降度牒千道  
限焉東一季盡贖南公奏諸路分科甚擾乞減半付漕  
司俾從民便無得分下諸郡

上深以為然馬司治馬甲買牛皮五千五百而

盤洲行狀

十二

成

御前又買五萬內侍復傳

旨下工部買十三萬公奏淞西去年水潦漕司期限  
逼民多殺牛納皮

上曰如此却是公然使人殺牛軍器所妄計耳祇買  
一萬奏曰

陛下務農重穀恤民如此天下幸甚

中旨朱彥宗守喪公奏彥宗雖故翊善字而娶長公  
主女家居發此命若出恐駭物聽尋改知泰州殿中  
侍御史張之綱論不差陳宋霖華初成事以初成姓  
名藏之章疏中公奏白其事



上取履歷視之明日曰華初成數放罷又嘗勒停年已及豈可復使為郡卿敢理會臺諫事可見無私朕終夕為之喜監察御史劉貢初除公嘗於

上前譽之有術士薛言中出入貢門因為人求官於密使汪公澈事出送臨安府會奏事

上稱貢能治錢塘寄囚事云適已除殿中侍御史公因斥其過且言除書未啓當封還

上曰卿等如此無隱向來宰執所無貢遂罷去皇甫坦以方技進嘗與右史陳良祐同坐密舍論者道陳先坦怒不同外盛譽謂者奮而來前遞出懷中一餅

藍洲行狀

十三

田成

以獻公擲之地曰君誠有道何不為呂洞賓韜光塵外而僕僕朝市正須仙食非所願麾使出拜書奏謝通國以神仙待皇甫坦不識

陛下以為何如人

上已先知昨日事咲曰頗能布氣治病爾昨日中宮賜之酒陸辭已大醉語言不倫故如此凡公之所行人多為之岌岌而公奮已直前無所回避林安宅既登諫坡或勸公為去就以避之公曰

主上聖德遠過漢唐之君士患不逢時今身登宰輔恨無以報國苟一日留有竭吾愚爾吾於安宅異同



國事也患失非所計訖墮其口去國不數月除知紹興府浙東安撫使在越一歲有半為治得大體而無廢事不求治賦而用自足吏畏民愛至于今思之請祠以歸提舉臨安府洞霄宮待制在西掖

上曰觀文在朝肯宣力林安宅懷蕪不能容今已三請祠矣姑從之有大藩闕即復用矣公既歸素不為求田計問舍之外得負郭地百畝翦除荆棘列岫如鷺雙溪上下引以為蘭亭曲水之飲洲渚窈窕花木映帶位置臺榭隨力興作野服瘦筇終日婆娑其間人視之不知其為丞相也自其地曰盤洲一卉一椽

盤洲行狀

十四

甲子

皆有題詠雜親朋疇倡為一帙曰盤洲編平生澹泊老猶嗜書不倦晚歲為文益古軼出西京之上尤好漢隸略去筆墨畦逕而落紙典刑深得東京用筆意治越之暇訓釋考證博極古書為隸釋一書廿七卷嗣有附益為隸續廿一卷其後時有刪潤合釋續為一而是正之以屬越帥刊行為書史失去不復存副本公每以為恨有文集一百卷藏于家淳熙十一年二月二日薨于正寢公自撰遺表至是上之

天子震悼贈特進官其後如格爵至鄱陽郡開國公食邑五千二百戶實封一千六百戶娶沈氏封萊國



夫人左中大夫復之孫即太學博士松年之女魏國夫人之姪先五年薨公為墓銘効漢人立雙闕因自作小傳俾後人刻其上男九人槻朝奉郎通判興州秘承議郎通判光州摺蚤亡楸文林郎池州建德縣丞權宣教郎知隆興府武寧縣掾故承事郎楹承奉郎監漢陽軍酒稅棟亦亡榔承奉郎監台州商稅務女三人長欲嫁而卒次歸及之次嫁承議郎知袁州宜春縣薛紹孫二十人倬承務郎監筠州新昌縣酒稅儼及皆承務郎及監舒州山口鎮偲倭備僑佺僕侃倭傅佃佃仔休儉儔佻一未名孫女十人長適迪

盤洲行狀

十五

曰

功郎隆興府武寧縣主簿楊汝明次將仕郎權當國次承務郎監鎮江府江口鎮稅張履信餘皆在室將以明年三月甲申葬於郡四十里徐村之原合萊國墓興州君錄公事狀俾及之詮次以備太史氏之采擇公為總賦屬文安擇壻及之為隆興元年進士實文安領貢舉公以文安之言信之不疑一見即相器重出疆辟使為屬既而以疾辭虞雍公在政府復兩學官闕欲以及之及之辭公曰茲我意也可以見子之所存矣顧錄錄州縣且二紀有負期待前年冬解秩分宜紆道徃省公喜見頗際從容餘月垂別戀戀



閱月未再而公之訃聞矣嗚呼今尚忍言之及之自登公門頗聞忠宣公之往行為詳而公之忠鯁誠實實似之與人交無長語而情好周盡收拾孤幼周卹賤貧為己責而不為己恩薦舉必首寒素不為勢利所奪涉於欺誣者雖已舉而猶劾之郊當奏長孫念渭陽之恩未報密以表弟沈自強之名聞

命下子弟族黨方知之終其身餉客不隨俗之好惡為信具書札往復不貸一荷幅溢語閑居十六年未嘗通朝士書雖宰執除拜賀緘亦不講晚遇

英主驟登宰輔曾幾何時而秘殿珍祠優游綠野

盤洲行狀

十六

成

天日臨照始終不渝非公之忠實不欺疇克爾耶諸子稟公之訓悉從常調試邑顧厚能自持諸孫詵詵多秀發或者用不盡之言業其在於斯乎待制方膺上異眷顓付史事及之辭不獲命乃撫其凡而次叙之若其詳則有公之奏藁語錄在公初名造字温伯一字景温云謹狀

淳熙十五年十月 日者奉議郎幹辦行在諸軍審計司許及之狀



宋宰相贈太師魏國洪文惠公神道碑銘

少傅觀文殿大學士致仕益國公食邑一萬二

千六百戶食實封五千戶周必大撰

公姓洪系出共工氏後避仇以洪易共三國有廬江太守矩唐有集賢學士孝昌五季自歛徙饒州樂平又七世始居鄱陽隱德田閭至公高祖士良力教子孫以學愛滄港山川而置倉焉命其子曰它日葬我倉下青紫當不絕後十六年元豐乙丑孫彥昇果以進士起家事徽宗歷三院御史至給事中徽猷閣待制遂為大家公之曾祖諱炳贈少保妣紀國夫

碑

一

日

人何氏曾祖太師秦國公諱彥堯給事弟也妣秦國夫人董氏父諱昭政和乙未進士後徙樂平之洪巖仕至徽猷閣直學士贈太師魏國公諡忠宣母魏國夫人沈氏公初名造字溫伯一字景溫後改名适字景伯幼穎異日誦書三千言忠宣公自嘉禾司錄應選使朔方公年十二已能任家事率五弟三妹奉祖母及母避亂歸饒母亡復過嘉禾食忠宣之祿日夜帥長弟文安公遵次弟翰林學士邁種學績文至忘寢食用父出使恩補修職郎監南嶽廟調嚴州錄事叅軍浙西提舉常平司幹辦公事紹興十二年與文



安公同中博學宏詞科宰臣進呈所試制詞

高宗曰父在遠子能自立可嘉宜與陞擢遂除勅令所刪定官後三年翰林公亦中選由是洪氏文名滿天下改左宣教郎入秘書省為正字才數月忠宣公歸自朔方以忠言忤素丞相檜斥補鄉郡公亦出通判台州將蒲而忠宣公以散官謫英州台守觀望擬彈文納當跣轉示言者以為風聞坐免官往來嶺南供子職闕九年素薨忠宣北歸亦道卒服闋起知荆門軍公才智有餘臨民惠愛二十八年應詔上寬恤四事凡公私以例取民錢歲數千緡悉除之郡父

碑

二

唐

為盜區大比士附江凌試解額僅存五之一公作成日衆乞自闕試屬稍遠舊額繼有登科者改知徽州會審官田監司慕賞迫州縣公獨寬之初至訟析產不平者紛然公曰此吏求賂不印關書之過也命人戶毋拘早晚齋書庭下立為印給其訟遂絕為政得要類此范文穆公成大來為戶掾公一見知其遠器勉以吏事暇則商推著述自是范公官業文筆高一世每德公去擢提舉浙西常平茶鹽會文安公守平江易江東路嘗兼提點刑獄蓋鄉部也持正不私風采振厲二十二年車駕視師金陵公因朝覲言本



路昨旱荒民逐食淮甸復困虜兵今雖懷鄉而田產  
官已斥賣不則給佃乞斷自二十八年後許業主若子  
孫用估價贖還 天語褒飾再二時翰林被命迎使  
客 上曰洪某三子皆可用也公於是歷陳邊防民  
兵積粟振民等事 朝廷益知其才除尚書戶部郎  
中總領淮東軍馬錢糧 孝宗即位海州解圍符離  
用兵供億繁夥公心計周密暇裕如平時會有 旨  
犒海州之師鎮江及武鋒軍有實在園中而不與名  
公比附倍給以便且招納海道逃卒歸之督府歸正  
者接踵而來或無以贍其家因公奏乃計口添支公

碑

三

日

謂官以總領淮東為名而財賦實隸浙西江東乞以  
兩路入銜後公登二府竟行其說迄今使之隆興元  
年就遷司農少卿明年乃貳太常兼權直學士院又  
兼權禮部侍郎 上初講郊祀公乞進胙 德壽宮  
及改定樂章汰樂工冗員人謂與時兩得之七月文  
安公罷西府公即求去上遣使賜茶諭令安職尋因  
夜直同右正言尹穡召對 上稱公溫粹文詞有用  
論事可觀穡先頗睥睨公知 上眷乃已九月除中  
書舍人內直如故湯丞相思退免侍御史晁公武論  
公草麻無譴責語公亟請外 上曰公武言卿黨愚



退朕謂平詞出朕意固却其章仍徙戶部侍郎矣方  
羽檄交馳書詔填委或夜召或細扎咨訪公獨當內  
外制時時奉詔言事如乞防虞海道降 詔親征多  
契 聖心大用之意已定虜既講好首命公為賀生  
辰使虜遣同僉書宣徽院事高嗣先接伴自言其父  
司空有德忠宣相與其歡得其要領以歸乾道元年  
五月除翰林學士仍兼中書舍人大臣奏翰苑不應  
下兼掖垣 上曰洪某在後省振職欲其整頓綱紀  
耳秦墳子祠公執不可 上徑批依奏封以付公明  
日賜對宣諭曰卿為秦墳其當雖朕意所向不可行  
者弟言之巫伋被亡余堯弼復職莫汲為密院編修  
官公皆繳奏而止又奏免外制 上曰執政有關朕  
將用卿公因繳馬監舊員輔轉官乞令大臣討論賞  
典 上極稱善且曰卿且執政自可討論六月遂除  
端明殿學士僉書樞密院事 上諭參政錢端禮虞  
允文曰三省事與此其商量東西府始通班奏事公  
赴 德壽宮謝 高宗曰 上議用卿吾謂從官中  
無踰卿者况卿父精忠古今所無頃欲大用阻於秦  
檜今卿兄弟相繼入輔此天報也八月以左中大夫  
叅知政事十二月拜通奉大夫尚書右僕射同中書



門下平章事兼樞密使公自僉樞旬月入相感激異  
知任怨革弊以誠實不欺為主人才可用踈遠不棄  
不然雖親舊弗予 上每稱其心存公道進擬無不  
當公奏中書舍人蔣芾語臣無事可繳臣答云凡降  
旨云特者皆非法今一切無之 上曰芾亦及此且  
謂特旨宜審公奏 陛下動遵成憲願思芾言益崇  
聖德 上曰朕與卿等共守之 芾曰石鼓場  
三衛軍馬公前奏得帥有等 芾曰石鼓場

上即呼諸將 芾曰 郡守觀其能否公言舊  
惟見闕賜 芾曰 近並今半年前奏事之

一

五

甲

任遂為定 芾曰 冬得人矣公自執政即奏減機  
速房吏三自 芾曰 留額外人有承旨司謝褒者  
力乞存留 芾曰 在馬公怒取 旨編置政府久  
不治吏 上曰 芾以為允戶部事有稽慢公追主令  
治之侍郎林安宅上章請罪既又欲給度牒千道付  
廣東期一季 芾曰 公請減半仍戒科擾安宅滋不悅  
馬軍司乞牛皮五千餘為馬甲御前拋買五萬工部  
別得 旨市十二萬公奏數多限迫 上曰軍器所  
妄計是使人殺耕牛也弟買一萬而已中批朱彥宗  
知婺州公言此資善堂翊善朱震之子雖可與郡然



彥宗娶潘氏乃婺州長公主家遂敗秦州二年殿中  
侍御史張之綱論陳宋森當與差遣而潛附所厚華  
初成於其中公發其姦 上視初成履歷曰屢放罷  
又嘗停官且年已及豈應與郡卿敢及臺諫可見無  
私朕終夕爲之喜劉貢初除監察御史公贊 上得  
人會術士薛言中同貢子爲人求官於樞密使汪澈  
汪送有司 上未知也早朝 上稱真能治錢塘寄  
囚已批出遷殿中公與執政及薛言中事且云除書  
未啟當封還 上曰卿等如此無隱向來宰執所無  
之綱尋以爲 貢遂罷方士皇甫坦謁公公薄其禮  
坦怒云云公責之曰君誠有道胡爲出入宮禁妄談  
禍福耶明日公奏通國以神僊待坦 陛下謂坦何  
如 上已知公責坦笑曰頗能布氣治病昨日宮中  
賜酒醉語已無倫矣公旣疊忤言路適林安宅爲諫  
大夫或勸公引避公曰吾與安宅異同國事也  
上知吾忠豈可遂失道爲去就乎適春霖公引外乞  
退 上曰春自多雨卿第安心安宅遂與臺官合辭  
論公 上不聽安宅至家居待罪公亦力請 上不  
得已三月辛未除公觀文殿學士提舉江州太平興  
國宮而謂叅政葉顥曰宰臣奉法守公誠實不欺無



如洪某重違言者耳不數月起知紹興府浙東安撫使治得大體復勤小物軍民安之閱歲有半提舉臨安府洞霄宮時翰林在西掖上語之曰賢兄三請祠姑聽暫閑公素不營產業自越歸得負郭地百畝因列岫雙溪之勝位置臺榭引水流觴種花藝竹命曰盤洲一椽一卉題詠殆徧安居十有六年身名俱榮子孫滿前近世備福鮮及公者淳熙十一年二月辛酉薨于正寢前自撰遺表上之享年六十八爵鄱陽郡開國公食邑五千二百戶實封二千四百戶初贈特進諸子遇恩累贈太師魏國公娶沈氏太學博

碑

一

日

士松年女追封魏國夫人母夫人之姪也先公五年薨葬郡四十里徐村之原公為墓名效漢人立雙闕因自作小傳俾後人刻其上明年三月甲申諸子奉公柩合葬焉男九人長魏朝請大夫新知贛州江南西路兵馬鈐轄次松朝請大夫新知南劍州楷早亡楷朝請郎權發遣長寧軍贊朝請郎前軍器主簿楷故承事郎樞朝奉郎新知慶元府定海縣兼早亡楷通直郎前權倉書判官軍判官廳公事女三人長早卒次通通奉大夫同知樞密院事許及之女前卒次適朝散大夫兩浙西路提點刑獄公事薛紹孫二



十四人倅承議郎江南西路提點刑獄司幹辦公事  
儼故承事郎知常德府龍陽縣丞及奉議郎荆湖南  
路提舉茶鹽司幹辦公事德承事郎新知江州瑞昌  
縣僚承事郎備承事郎新提領建康府戶部贍軍酒  
庫所幹辦公事僑承務郎新監建康府戶部大  
軍庫門溪承事郎新權僉書漢陽軍判官廳公事傳  
將仕郎佃同仔俸儼儼承事郎新監無為軍崑山鎮  
仇俊仁儼承事郎估儼儼女孫十二人適文林郎前廣  
南西路轉運司主管帳司楊明修職郎新無為軍  
巢縣主簿權當通直郎兩浙東路提舉常平司幹辦  
公事張履信鄉亨士程詳承務郎張鑑將仕郎邢  
諤將仕郎王待簡進士高儼迪功郎新信州弋陽縣尉  
王元春餘在室曾孫男五人希蘊前將仕郎蓬荀曾  
孫女一人公器業早成與人交誠實無浮禮文華夫  
賦濟以力學步驟經史新奇富贍兄弟鼎立自成一  
家罷政後論著益多四方傳誦有盤洲集八十卷耽  
嗜韻隸古為纂釋二十七卷隸續二十一卷屢加刪  
潤合為一書將踵歐陽文忠公集古錄趙明誠而下  
弗論也笑早與文安及翰林同朝公由常平入對始  
識公又嘗與贛州為僚金陵故其子孫以副樞許甥



狀請碑墓道先是太常以文惠易公名文固然矣壬辰夏予奉祠過饒適連年水旱流移系道公宗支繁庶或不自給人言相君賜我且及恤貧已責事甚詳夫居家均惠若此在公固可知矣遇蔭補捨長孫密奏表弟沈自強酬渭陽之恩命下乃知是皆實書銘曰

思文 孝宗 雲漢章天 有臣洪公

優於代言 孝宗神武 志平醜虜

公踐帷幄 言整軍旅 帝方克勤

如日運行 公總衆職 甚稱上心

碑

九

帝推至公 天無私覆 相業伊何

才能是授 謀皆予同 德惟乃知

周旋二府 僅越三時 保釐東郊

注想未替 歸心浩然 何待奉計

榮名燕居 十有六年 爲而不恃

五福天全 燁燁斯文 振振厥後

詩以聲之 公平不朽



盤洲拾遺

六部乞免發見錢劄子

某等言竊以將本州諸已錢並行裝發見錢不得  
冒銀已且因依申稟切念本州在崇山峻嶺之間發  
源到州二百里有五嶺之限難於登天黟縣績溪皆  
是陸路祈門水路不通饒州自有郡以來不可漕運  
所以秋苗却折納絹帛發往諸處逐縣苗米各行據  
數催科雖本州有小溪遇春夏水漲始可通行客人  
作棹筏篙竿伺候梅雨方趁勢發下才晴便阻又灘  
勢險惡重動舟船所不敢行切念本州買銀係本省

盤洲拾遺

則即不虧損省部用度每貫又有回收頭子錢今  
若必欲令本州發錢則諸縣錢物無水可以行舟及  
雨退水落城下小溪亦通舟不得必致稽留省限又  
有灘險不測之患雖使官吏坐罪何益於事欲望於  
察特賜憐免

又

某近以本州水路不可發錢具事自瀝懇方慮妄發  
獲譴過蒙詔諭一半足見仁人之心即合依稟  
奉行然事有利害不容指口所賴鉅賢理財灼知其  
故方敢再三瀆稟伏念本州六縣只是休寧有小水



路到州城遇春夏之交時雨連併方能通行木筏地  
高勢下轉眼傾瀉常時淺涸可涉今本州官錢當有  
水之際又無緣措辦數足而外縣之錙登陟山險一  
一般運倍有所費州縣例皆窘乏胥乘之費何所從  
出又無緣可以赴水同時遣一歲之內或得水而無  
錢或有錢而無水其不可一也小郡在山谷之間無  
積錙之家富商大賈足跡不到貨泉之流通于鄠肆  
者甚少民間皆是出會子往來究使今若一旦拘刷  
見錢發納不半年一歲即見錢竭無以流布善後其  
不可二也水道灘險皆是亂石與巔榘相類舟破錢

蘇州府志

雖坐罪官吏禁錮管押人何從追理其不可三也  
有郡以來因水不通流故苗米無上供之綱一切  
折縮而以錢作銀行之已久故本州發納亦不曾出  
違省限非若他州拖欠之比今若發錢則無水之時  
非人力所及必有經年留滯之患却致有悞給遣又  
侵允盜用弊從而出其不可四也有是四事不敢緘  
嘿伏望詳酌許令依舊

轉運司乞移免折解錢

蘇州府志

蘇州府志

某敞邑在山谷之間不通舟楫每歲秋苗據本州及  
逐縣所用指數納米其餘盡皆折縮發納使臺及帥

蘇州府志



墨林家藏書記  
宋祥洪魏國公著盤州集  
壹部計拾貳籍





圖書在版編目(CIP)數據

盤洲文集/[宋]洪适撰.—北京:北京圖書館出版社,  
2004.2

(中華再造善本)

ISBN 7-5013-2373-9

I. 盤… II. 洪… III. ①古典詩歌—作品集—中國—  
南宋②古典散文—作品集—中國—南宋 IV. I214.422

中國版本圖書館CIP數據核字(2004)第010454號

ISBN 7-5013-2373-9



9 787501 323739 >

書名 盤洲文集(全三十二冊)  
著者 [宋]洪适 撰

出版 北京圖書館出版社(100034 北京市西城區文津街七號)  
發行 Tel:(010)66151313 Fax:(010)66174391

E-mail: Bstxb@publicf.nlc.gov.cn  
Website: www.nlcpress.com

造紙 華寶齋  
印刷 杭州富陽古籍印刷廠

開本 八

印張 二六〇

版次 二〇〇四年二月第一版第一次印刷

印數 一—二〇〇

書號 ISBN 7-5013-2373-9 / K·766

定價 八三二〇圓



